


UNE RÊT DI AMÎS

Gjornalin des Scuelis di Collinrete

Come
che o
varês
podût
capî dal
dissen chi
dongje,
cheste jes-
sude dal
Gjornalin des
Scuelis di Col-
linrete e jê une



vorone speciâl parcè che e
jê dute dedicate a une persone une vo-
rone speciâl che a la fin de Istât e podarà
finalmentri gjoldisi un pocje di meritâte
serenitât: il Preside (no i plâs fâsi clamâ
Dirigjent!) Maurizio Driol.

Come referentis dal furlan, nus è bastât
cjâlâsi tai voi par decidi di fâi cheste sor-
prese, che di sigûr sul imprim non cjaparà
benissim par trop umil che al è, ma che i
restarà come une bielissime testemo-
neance di trop che ducj i vuelin ben, so-
redut i soi fruts e lis sôs frutis che al a
simpri vût a cûr plui di dut!

SCUELIS DI COLLINRETE

- IC DI BASILIAN E SEDEAN

www.icsedegliano.it

- IC DI BUIE

www.icbuja.edu.it

- IC DI FEAGNE

www.icfagagna.edu.it

- IC DI GLEMONE

www.icgemonna.edu.it

- IC DI MAIAN E FORGJARIE

www.icmajanoforgaria.edu.it

- IC DI PAGNÂ E MARTIGNÂ

www.icpm.edu.it

- IC DI SANT DENËL

www.icsandanieledelfriuli.it

Al lassarà a ducj un grant vueit e a no re-
ferentis la ereditât di continuâ a puartâ
indenant la marilenghe cun dute che
passion che al à lui.

I augurìn ogni ben e lu ringraciìn con dut
il cûr di chel che nus à insegnât e di ducj i
biei moments passâts insieme in tai ne-
stris incuintris!

Buine leture!

Pinsîrs di un amî

di Feliciano Medeot - Diretôr de Filologjiche Furlane

“Ed eccoci qui, come quattro bischeri però con questa amicizia che dura da tanto tempo, anche dopo morti e malgrado tutte le differenze che ci sono tra di noi [...] tutti uniti da certe regole che non ci siamo mai detti: il diritto di sfotterci reciprocamente, la voglia di ridere, di divertirsi e il gusto difficile di non prendersi mai sul serio”

Conte Raffaello Lello Mascetti

Amici Miei Atto II (1982)

Cuant che pe prime volte o soi stât tal ufici di Maurizio Driol in chel di Sedean, mi soi maraveât dal fat che un dirigjent scolastic al vedi picjâts i posters di “Amici miei”, no propit



cines a ûs didatic (se no par arlêfs diviersementi zovins di une cierte etât...).

Cussì... prime che dut al ledi “antani”, mi è stât domandât di scrivi cualchi rie par saludâlu prime che, di dipendent dal Ministeri de Istruzion Publiche, al sedi promovût a dipendent dal INPS.

Ancje se no si cognossìn di masse agns, o sin stâts di subit in sintonie: curtis e che si tocjin cun l’obietîf di fâ dal ben, fâ robis di sest e volêi ben a la scuele, a la scuele furlane e a la scuele in marilenghe. Nol è facil cjatâ dai dirigjents che a vedin a cûr la istituzion scolastiche e che la rispiedin come Maurizio Driol, un rispjet che al nas di une lungje militance tacade di docent e lade indenant come preside che al cognòs no dome la scuele, ma ancje la tecniche de scuele.

Preside, o dirigjent scolastic cemût che si dîs cumò, no si nas, ma si devente: si devente cun agns di pratiche, di passion e di maravee pe scuele: respirant ogni dì l’aiar de scuele, i fruts che berlant e jentrin te scuele. Cemût che al dîs pape Francesc: “Il pastôr al à di “nasâ l’odôr dal trop”. Stant dongje dal cuarp docent e motivantlu, simpri e in ogni cas. Nol è un compit facil anzit simpri plui difil.

E viodût che il Signôr al mande il frêt daûr dal capot che un al à, a Maurizio Driol il Signôr al à mandât un capot pardabon pesant: un capot (e des spalis) in stât di tignî sù nuie mancun di 29 scuclis, 3.200 fruts e 450 di lôr jenfri docents e personâl: tant di finî su la stampe nazionâl... e po si dîs la celebritât.

E dopo il record des scuelis e dai fruts, ve la emergjence sanitarie cul Corona Virus e la Didatiche a Distance e dutis lis strussiis di chescj ultins agns.

Po ben, passade ancje cheste, rivât insom de corse, puartade la nâf tal puart, al è rivât il timp pal cjapitani di lassâ il comant.

A Maurizio Driol buine polse (si fâs par mût di dî).

A cui che al reste e a cui che al vignarà... l'oblic morâl di lâ daûr dal insegnament di Maurizio Driol: volêi ben a la scuele.

La peraule aes scuelis

articul dai Istitûts di Collinrete

Cuant che al rive il gjornalin "Une rêt di amîs", il pinsîr al cor subit a chel che lu à pensât, il Dirigjent Driol, passionât Dirigjent cjâf file di CollinRete che di simpri al crôt intal mont di valôrs umans e culturai che il Gjornalin al puarte cun se, passant di man in man, di gjenerazion in gjenerazion.

Come che i plâs dî e tornâ a dî al Dirigjent, la publicazion, sedi su la cjarte prin o in digjitâl cumò, e je buine di contâ, di dâ vôs al mont des nestrîs scuelis, ognidune espression gjenuine dal propri teritori. E di chel teritori il Dirigjent Driol al è innamorât, e al è profont e elegant cultôr di ogni so aspîet. Cuant che l'argoment de conversazion si sposte su lis particolaritâts artistichis, su lis curiositâts leterariis e culturâls dal Friûl, lui al sa incjantâ ducj par no fevelâ di cuant che si tirin in bal aspîets gastronomicis e culinaris: alore ogni so pinsîr nol à plui paragon!

Cheste gjonde intal gustâ fin insom ogni aspîet de vite si cjate intes pagjinis dal so Gjornalin, li che ogni scuele e conte cun origjinalitât e frescjece i percors curiôs vivûts di fruts e students.

Di bande di ducj nô, Graciis, Dirigjent Driol, par vê savût mantignî salt il "fîl ros" che idealmentri al ten dongje lis nestrîs scuelis cun sens orgiôs di apartignince.

Bundì Preside!

articul di Fiorella Floramo - insegnante de Scuele di Maian

Bundì Preside!

Chest al jere il gno salût e tant che rispueste mi faseve un biel rideç.

Tancj a son i ricuarts che si scjavalgjin pensant ae aventure scolastiche che o ai vivût cun Lui.

Il prin incuintri al è stât a Forgjarie, cuant che za fa tancj agns il Preside Driol al jere comissari di exam.

Il so prin exam di comissari esterni, tant che nus disè in chê ocasion.

La atenzion ai fruts e ai insegnants si palesave fintremai di in chê volte. Si respirave la scuele, il ricognossiment dal lavôr dai docents, il scoltâ partecipât dai students.

E po dopo ancjemò... - O sin intune bote di fier... al rive Driol.

A voltis, ben a buinore, si cjatavin tai coridôrs e Lui, cjalant lis borsis e lis borsetis plenis di cuaders, corezûts tal daspò misdì dal dì prin, mi diseve - Lavôr neri prof, vere?"

Cun lizerece o jentravi in classe.

A son stâts moments lambicâts cuant che un frut nus à fat preocupâ e che, come nuie, lis telefonadis e i rindiconts des zornadis nus fasevin vignî i sgrisui.

Dut câs, cumò chel fantat al à cjatade la sô strade e il contribût al è stât pardabon di ducj.

Mi ven di riduçâ, invezit, pensant a un altri exam. Lui al jere il dean de nestre scuele.

Prove scrite di talian, e mancje une arleve. Panic! O voi in confusion, par fortune, Lu cjati in coridôr.

Dal dit al fat o spessein a metisi in machine e o scomencìn lis ricercjis tant che detectives un biel pôc imberdeâts e tal stes timp preocupâts.

O cognossevin dome la vie de abitazion de fantate.

O sunìn une rie di campaneî e chi Lui al à superât di net la sene di "Caro diario" di Nanni Moretti.

Finalmentri nus rive une vôs dal citofon:

-Cui isal?

- O soi il preside de scuele.

- Bundì!!!!, o ai un frut iscrit ae scuele materne.

- Ah ben, o volevi savê se la frute... Ise a stâ...

- Lis mestris a son bravissimis!
- O soi content, ma cumò... o ai bisugne di...
- La vôs de femine e jere clare e onorade di fevelâ cul preside.

A chel pont si jere indurîf, al strenzeve i pugns par tignî la calme, drindulant un ticut a diestre, un ticut a çampe,... jo e Lui si cjalavin e i suspîrs a podevin sglonfâ une mongolfiere.

No mi visi ben cemût che o sin rivâts a jentrâ in chel condomini, ma ae fin o vin cjatât la targute dal campanel cun sore il cognon de arleve che e jere restade indurmidide.

Nus àn viert: l'aspiet spetrâl, il pigjame e un "Nicity!" in unison nus àn tirât fûr di chel berdei.


E ancjemò, tancj altris ricuarts. Un personâl che o conti achì in curt. Cuant che gno pari al è mancjât, la Sô telefonade, chê sere di Invier, mi à comovût pes Sôs peraulis che no dismentearai.

In sumis une vite pe scuele Preside, une scuele autentiche dulà che i arlêfs a son al prin puest, cu lis lôr dibisugnis, cui lôr sucès e a voltis i lôr disasis dal cressi.

I auguri dut il ben dal mont e Lu ringracii di vêr cûr parcè che la olme di personis come Lui e je indelebile no dome dentri dai edificis de scuele.

Ma cui mi scrivial?

Fumet di Alyssa, Anna e Stella de 3A Scuele di Sant Denêl



Cjâr Preside

articul dai fruts e des frutis de Scuele di Basilian

Preseâd Preside,

in duc chist ains, lui al è stât simpri disponibil a scoltà i insegnants, lis fameîs e i arlêfs, soledut in chist ultim periodo di pandemie.



Gracie par nus ve fat vivi in tun clima seren, cu li sôs batudis e lis contis di ridi.

No l'è mai stât un Dirigent trist che duc e an pore, ma al è stât come un pari, pront a iudà duc e a fa une cja-reze. Lis so visiti in tes classis a son simpri stadis, par no arlêfs, un moment di ligrie.

Gracie par ve sostignût dutis lis inizia-tivis da i insegnants e dai rapresentants des classis, come, par dî une, i laborato-rîs e lis gitis de scuele, ancje se non sin rivâs a falis pe vie de emergence.

I spettacui pa fin da l'an e lis fiestis par Nadâl a son simpri stadis bielîs, gracie al so sostegno e ai so discôrs che no si dismentein.

Cun dutis lis disaventuris ca e son capi-tadis, lui al è simpri restât plen di ligrie

come un soreli e ancje cumò al continue a trasmeti tranquilîtât a duc.

Cjâr preside, lui al è simpri stât il nestri fâr te fumate e in somp a chiste letare lu salu-din cun il so solit salût : Buine Pasche!

IL "preside dai record" al va in pension

articul dai arlêfs de Scuele di Sedean

Maurizio Driol - classe 1958 - dopo trentun ains da dirigjent scolastic, al sta par rivà al travuart de pension.

Tal cors de so lungje cariere, il Preside Driol al no si è mai risparmiât: par cualchi an al è rivât adiriture a dirigi tal stes timp quasi trente scuelis in undis Comuns diviars (par un total di

tremile arlêfs!) tant da meritas l'apelatîv di "Preside dai record" in un articul sul giornâl "La Repubblica".

I giovins a son

simpri stâts al centri dal so impegn te scuele e al è proprite a tre di lôr che al ha decidût di concedi cheste interviste di comiât.

Preside Driol, da trop timp isal preside?

Dal setembre dal 1991.

Parcè al ha decidût di diventâ preside?

O eri giovin e forse un po' incosciente! O hai decidût di butami in chieste aventure plen di entusiasme e convint di vè buinis dotis

organizativis. in quest'avventura forte del mio entusiasmo e nella convinzione di avere buone doti organizzative.

Ce cal insegnave prime di diventâ preside?

O hai insegnât tredis ains te scuele elementâr di Anduîns, tal comun di Vito d'Asio.

Ce mût isal cambiât il so lavôr da quant cal' ha scomencjât a vuê?

Tantissim, zâ a scomencjâ dal

nom: o hai scomencjât come diretor didactic te scuelis maternis ed elementârs; dopo dal 2000, o soi diventât dirigjent scolastic e lis responsabilità a son cressudis une vore, parcé il dirigjent scolastic al è responsabil di dut ce cal sucêt dentri de scuele cal comande.

Ce cal sint quant che i arlêfs a son mandâs lî di lui parcé no si comportin ben?



A distance di ains mi sucê, ogni tant, di incontrâ i fantats che cuant che frequentavin le scuole a vignivin mandâs tal me ufici par une "tirade di orelis" e mi samee che a son simpri contents di viodimi. Chest parcé che , cuant che o vevi di corezi un lor comportament, lu fasevi da "pari di famee" e lor- cun le cridade - a sintivin ancje il me afiet. Cul passâ dal timp, i dirigjents scolastics e an viodut cressi tant che mai il numar dai arlêfs tai lor istitûts e pecjât che al è diventât plui dificil vê un rapuart cui students. Uê il comportament che mi fas rabiâ di plui al'è chel di doprà mâl il telefonin.

Ce tipo di student al ere lui cuant cal lave a scuele?

Ae elementârs o eri un frut une vore vivarôs e distraibil , ma dopo a lis medis o soi lâf fûr cun l'ottimo e a lis superioriôrs - dopo - mi soi diplomât cul massim dai vôts.

Cual ere le materie dulâ cal lave miôr?

Siguramenti talian. O soi simpri stât brâf tal svolgiment dai temas e a lis superioriôrs mi soi cjâpat une vore cun le leteradure.

Al ha mai cjâpat notis di discipline?

No soi un bausâr: mai!

Se nol ves fat il preside cual lavôr i sares plasût fâ?

Cumô co pensi, o crôt che mi sares plasût insegnâ letaris te scuele medie. Cuant che o hai scomencjât, invezit, il me sium al'ere di diventâ fotografo (invezit di piçul mi viodevi postin).

Cuant che al larâ in pension ce cal fasarâ?

Mi dedicarai al sport, però a chel che si viôt in TV, sentâs sul divano... po dopo al zardinarie, a le leture e, o sperî, a qualche piçul viaç.

Isal alc che i mancjarâ de scuele? Se sî, ce robe?

Mi mancjarâ il rapuart cui insegnânts cu i colaboratôrs scolastics e le segreterie. Mi mancjaran une vore i arlêfs, parcè tai lôr confronts o ai simpri cirût di ponimi come educatôr e no come dirigjent. Une de esperienzis che no dismentarai de me lungje cariere a iê la me partecipazion ai laboratoris dal joibe dopo di misdî te scuole medie di Sedean, dulâ che mi soi cjatât di gnûf a insegnâ e so redut , a lavorâ cui fruts

Letare di une mestre ...

articul de Mestre Rita - Scuele di Maian

"Classe 1958, classe di ferro!" Chest mi disè il Preside Driol cuant che al savè la mê etât, che po dopo e jere ancje la sô.

O soi lade in pension un an prin di lui e o ai di dî che o ai scuviert cun gust une vite plui lente e une serenitât che mi mancjave di tant timp.

Mi auguri che al capiti ancje a lui compagn: che al savedi gjoldi il timp che si à a disposizion cuant che no son chei altris a regolâlu.

Cuant che o pensi a tancj agns di lavôr, a cheste lungje fadie che nus à jemplâts di sodisfaziions ma ancje di ansimis e preocupaziions, mi ven di pensâ che, ae fin di dut, ce che al à contât pardabon a son stâts i

rapuarts umans. I arlêfs aromai oms e feminis, i gjenitôrs, i nonos, lis mestris e i maestrtris che ancjemò mi contatin a son il patrimoni plui grant che mi puarti dentri.

E jo, dal mio Preside, non mi visi tant lis decisions cjapadis, lis riunions fatis, lis sieltis, lis discussions, ma la so umanitât, la delicatece e la comprension pai problemis che o vin frontât insiemi: ducj elements che, in definitive, a son la plui grande qualitât morâl di une persone.

La ringracii Preside, cun dut il côr, par vê credût in me, par vemi sostignude cuant che o vevi bisugne. I soi ricognossinte par vêmi fate partecipe de so umanitât.

... e di un arlêf

Cjâr Dirigjent Driol,

Ti impensistu di me: il to arlêf Lorenzo? Di cuatri agns in ca o soi cressût un grum, ma o ai ancjemò tai mei ricuarts la to vôs: cuant che o vignivi a cjatâti tu mi fevelavis dal gno paîs e tu mi contavis de to parintât. Al jere biel cuant che ogni tant, par scherç, tu mi cjapavis in braç e tu mi fasevis fâ la cjampane, o jeri piçul.

Al è di tant che no vin ocasion di stâ un pôc insiemi! In chescj agns tu mi sês mancjât, no podevistu fermâti ancjemo un pôc cun nô, fruts di Maian?

Cetant biei i timps che o vin passât in compagnie. O spero di tornâ a cjatâti une dì, magari e je la volte buine che tu mi puartis a mangjâchês dôs polpetis tant famôsis inte ostarie che dome tu tu sâs!!!!

Mandi Diretôr, tenti in forme e reste simpri supersimpatic

Il to arlêf Lorenzo

Pecjât che o sin za rivâs a saludasi

articul de redazione dal Gjornalin Scuele di Basilian

Maurizio Driol, il Dirigjent scolastic dell'IC di Basilian e Sedean, a le fin dal an scolastic al larâ in pension.

E son pasâts une vore di ains di cuant cal è entrât tal mond de scuele come mestri e podopo al ha continuât la so carriere come dirigjent...d'altre bande se nol fos stât cussî tant timp a scuele, l'INPS no lu vares fat lâ in pension!

Tai ultims ains le pandemie e ha ostacolât il so lavor, ma lui al ha simpri fat dal so miôr ta l'interès de scuele, e al ha simpri dât il so timp pe scuele, cence misuralu.

No steit però a imagjinâ il classic preside in "gjachete e golarine", ma plui il tipo "jeans, maiute e scarpis di gjinastiche"

Cui insegnjants e cu lis bidelis al ha rivât a garantî leziions siguris e cence problemis. Ancje cuant che tal mêsi di Març dal 2020 e iê stade ativade le DAD, lui al si è simpri doprât par fa vê ai arlêfs i tablets e i computers in mût tal che duç e han rivât a seguî lis leziions cence gravâ economicamenti su lis fameis.

Cumò o vin une domande tal cjâf: ce mût cal fasarâ cence le vivarose vite de scuele? Forsit podarâ dai confuart pensâ cal varâ di doprâ poc e nie l'orloi, che si svearâ

cence le ansie di spese a preparasi, che al learâ cun calme il gjornâl, cal fasarâ gulizion cence premure, cal larâ a tor cul so cjan Amedeo...E podopo al tacarà la zornade cence il gnervôs di cori, di vê appuntamenti e scjadinces.

Second no al sarâ un pôc avilît parcè che nol varâ plui rapuarts cun il personâl de scuele e cui fruts.

Mancjarâ la so presince ai tainc insegnjants cui cuai al ha condividût une vore di esperiencis e nô nus cjatarin cence le so capacitât di organizâ e tignî sot contrôl ogni aspjet dal so Istitût.

Ancje se tai ultims ains no l'ha rivât a vignî a cjatanus spes, o vin vût rispiet di duç i sfuarçs cal ha fât e i disin gracie.

I disin gracie so redut parcè chest an al ha cjapât su le responsabilitât di mandâ in gjte li tiarcis dopo dois ains di pandemie. Par no e jê stade une sorprese, che no pensavin di podê rivâ a fâ!

Il dirigjent al ha capît che nus coventave une gjte par sta insieme fur de scuele e par cognosi miôr i profesôrs.

Par saludalu i dedichin une frase di Steve Jobs che cul sô "Stay hungry, stay foolish" invide

i giovins e ancje chei ca son mancul giovins a jessi "bramôs di cognossince, a jessi mats e a olsâ"

Nus fa plasè crodi che al rivarâ a cjatanus plui spes...ma non come une menace!

Soredut lu invidin a vignî cun Amedeo, il so biel cjanut.

Par serâ i fasin i augurios di une lungje pension in moviment e cence pinsîrs.

Zûcs di peraulis

dai fruts e des frutis de Scuele Primarie di Rives Darcjan

Dentri tal so ufici al

Rîf viodint

I Fruts che cun

Orgoi i mostrin une poesie scrite par lui in

Lenghe furlane

Mil robis di fâ....

Ah ce strachis a direzi un Istitût!

Uh mame, ancje i PON? E po dopo

Rivino chi cuatri carantans che o domandî?

Il telefon che al sune di vuê a buinore....

Zirin cheste mail dal Sindic aes mestris di Sedean,

I acuardis di rêf, ju aio za mandâts ai coleghis di Collinrete?

Oh, mancumâl che mi plâs il gno lavôr! Se no usgnot o jessarès dal ufici imbesteât!



Ce fâ in pension

A Zenâr stâ tal cjalt te tô cjasute
a lei il gjornâl e a bevi une sgnapute.

A Fevrâr

sclape lens pal fogolâr.

A Març pal aiarin

jes di cjase cul scufin

A Avrîl

sta in curtîl a cjalâ il cîl.

A Mai

va te ostarie a bevi un tai.

A Jugn a Sant Zuan

cjoliti dôs cjariesis cun cualchi carantan.

A Lui a Sante Ane

puarte la femine in gjite a Barbane.

A Avost intal dì de Madone

fâs un zîr par Glemone.

Al prin di Setembar a S. Egjidi

cence lis beghis dal Consei dai docents, ti ven di ridi.

A Otubar te valîs met di dut

e partîs par un biel viazut.

A Novembar a Sante Catarine

cuei frico, polente e cualchi cjastine.

E a Dicembar tal cjaldut

passè ben il Nadâl e gjolt di dut.



Filastrocje

de mestre Annalisa Scuele Primarie di Maian

Vuê us conti
di un Dirigjent
che al è stât ancje chenti.
Al à voidât cun passion
la nestre scuele
e la strade fate cun lui
e je stade propit biele.
Al à fat il mestri
e dopo al è rivât
a direzi la scuele
cun tante serietât.
Il so grant pinsîr
a son stâts simpri i fruts
grancj e piçui
di sta cun lôr al à
simpri vût gust.
Cumò che la so strade
a cjape une gnove plee
o volin disi che
la int no dismentee:
cuant che il lavôr al è fat
cun tante competence
ogni côr a si jemple
di ricognossince!



Ae fin des mediis...

di Morena Bottone classe 3C Scuele di Basilian

Preseât Siôr Preside,

o scrîf cheste letare ae fin dai miei trê agns in cheste scuele. I agns des mediis, par me, a son impuartants parcè che a preparin i frutats a frontâ un passaç scolastic e grancj cambiaments: la jentrade tes scuelis superiôrs. Dispès chest al puarte nô students a bandonâ lis scuelis di pais par lâ in citât cjapant la coriere ben si sa in complete autonomie. Propit par chest motîf, i ten a die che la nestre scuele mi à dât une preparazion a plui nivei. Prin di dut i professôrs e la mê cressite culturâl. Il rapuart cui docents al è stât plui formâl di chel cu lis mestris a lis elementârs, ma o ai viodût che, da la prime a la tierce, il me mut di stâ cun dut il personâl scolastic al è miorât. Mi àn insegnât ce tantis nozioni, ma ancje la maniere di confrontâmi cul mont dai grancj. O soi sigure che chest aspjet mi sarà di jutori l'an cu ven cuant che il rapuart student docent al sarà plui distacât. Un secont aspjet no mancûl impuartant che o vularès palesai al è che ta cheste scuele no mancjin mai gnûfs stimui! Fevelant cun altris zovins de mê etât che a van a scuele in altris istitûts, o ai capît che a devi di jessi une grande fuarce di volontât e tante passion par puartâ indenant ce tancj progjets che a son stâts proponûts durant i trê agns. No podin dismenteâ che a son stâts trê agns diferents dal solit, la pandemie e à frenât e dispès cancelât tantis ativitâts. I lavoratoris de joibe dopo di misdî, pont di fuarce dal nestri istitût, a son stâts par un poc sospindûts, e il stes ancje pes gjitis. I prins a son tornâts a partî bielzà di un toc e ancje la gjite di tierce si davuelzarà in grazie so e dai professôrs. Par dutis dôs lis robis o veis dimostrât une grandissime determinazion tal passâ i ostacui. Nissun al dubite che fâ une gnove esperience fûr dal ambient scolastic insiemi ai miei compagns no lu podarai dismeteâ. O vuei fâje i compliments parcè che pûr cun mil restrizions, dispositîfs di sigurece e tantis gnovis regulis, al à rivât adore a continuâ lis ativitâts che nus àn tignût adun come grop ridint, dantnus la pussibilitât di confrontâsi, fasint gnovis esperiencis. O ten a disie che la sô sgrimie e la sô volontât a cjatâ simpri une soluzion ai problemis a son ricognossudis da arlêfs e gjenitôrs e o speri che al vedi la fuarce di continuâ. O finîs cheste letare disintje che o puartarai simpri cun me lis amiciziis dai trê agns, la sodisfazion de mê cressite personâl che, sore dut in chest ultin an, o ai viodût personalmentri e, no mancûl impuartants ancje i professôrs che mi an judade a puartâ a flôr il miôr di mê. O dîs grazie pe atenzion, o rionç i compliments e o resti a disposizion par lei une sô rispueste.

Morena

L'omp daur dal Preside

di Antonio Cannata classe 3B Scuele di Cosean

Bundì sior Preside. Uè o vares voe di intervistalu par scuviargi "l'omp" daur de figure istituzionâl.

Ce che i plâs fa tal timp libar?

Mi plâs viodi il sport, so redut le atletiche lisere, il ciclismo e il balon, sintât sul divano. O dopri YouTube par viodi i films di une volte e i spetacui di teatri.

Quali ca son lis robis che i plâs fa?

Mi dedichi a le zardinerie e a viodi dal me zardin. O hai plantât vari morârs e quarante plantis di garofui. Pecjât che mi plasin lis rosis. Pecjât parcé une dì a son bielis e le dì dopo e son za flapis.

Il mangjâ e il bevi che i plâs di plui?

Mi plâs il vin blanc, il Tocai, cun tune buine tartine. Il gnô mangjâ preferît al è chel furlan. Mi plasin les grigliadîs, il frico, i afetâs, ahimè.

Le plui grante mateade de so vite?

No hai tant di contà, ma mi ricuardi cuant co eri frut, o vevi di scjavalcâ une rêt e soi colât te rogje.

Sport preferît?

Il gno sport preferît è le atletiche lisere. Di frut le fasevi di besôl te vigne di cjase. Un zâr di vigne erin quatricent metros, doi zîrs i votcent e indenant cussî. Un ramaç di un morâr al diventave un giavelot e une bale il pês di tirâ.

Ce squadre di balon al tife?

Di cuant co hai siet ains mi plâs di murî l'Inter. Se di dumenie e piard, il lunis o soi rabiôs.

Un sium ca nol ha rivât a realizâ?

A disi la veritât mi sint realizâd. Però, a impensâsi ben, mi plasares scrivi un libri cal vedi sucès.

Il so autôr di leteradure preferît?

Il sicilian Andrea Camilleri, autors dai libris dal comisari Montalbano.

I plâs di plui il cine o il teatri?

Bundì sior Preside. Uè o vares voe di intervistalu par scuviargi "l'omp" daur de figure istituzionâl.

Ce che i plâs fa tal timp libar?

Mi plâs viodi il sport, so redut le atletiche lisere, il ciclismo e il balon, sintât sul divano. O dopri YouTube par viodi i films di une volte e i spetacui di teatri.

Quali ca son lis robis che i plâs fa?

Mi dedichi a le zardinerie e a viodi dal me zardin. O hai plantât vari morârs e quarante plantis di garofui. Pecjât che mi plasin lis rosis. Pecjât parcé une dì a son bielis e le dì dopo e son za flapis.

Il mangjâ e il bevi che i plâs di plui?

Mi plâs il vin blanc, il Tocai, cun tune buine tartine. Il gnô mangjâ preferît al è chel furlan . Mi plasin les grigliadîs, il frico, i afetâs, ahimè.

Le plui grante mateade de so vite?

No hai tant di contà, ma mi ricuardi cuant co eri frut, o vevi di scjavalcâ une rêt e soi colât te rogje.

Sport preferît?

Il gno sport preferît è le atletiche lisere. Di frut le fasevi di besôl te vigne di cjase. Un zîr di vigne erin quatricent metros, doi zîrs i votcent e indenant cussî. Un ramaç di un morâr al diventave un giavelot e une bale il pês di tirâ.

Ce squadre di balon al tife?

Di cuant co hai siet ains mi plâs di murî l'Inter. Se di dumenie e piard, il lunis o soi rabîôs.

Un sium ca nol ha rivât a realizâ?

A disi la veritât mi sint realizâd. Però, a impensâsi ben, mi plasares scrivi un libri cal vedi sucès.



... buine Istât a ducj,
sperin che il gjornalin al puedi continuâ a
contâ lis nestris scuelis
e ancjemò un GRACIE di cûr al Preside
DRIOL par dut ce che al à fat pe scuele, pal
furlan e par ognidun di nô!

Mandi

